


Alkitab Buat Bocah
Nampilin

Daniel ama Ngimpinya
Nyeng Aneh



Nyeng nulis: Edward Hughes

Nyeng bikin gambar: Jonathan Hay
Alastair Paterson

Nyeng nyocokin: Mary-Anne S.

Nyeng terjemahin: Matheus Nalih Ungin


Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Raja Nebukadnezar ngimpi, dan ngimpinya itu
bener-bener ngeganggu dia. Liwat kuasa Allah,
Daniel bisa ngasih tau arti dari ngimpi raja itu.





Nyeng mula-mula
dikerjain Daniel dia
bisa nyeritain ngimpi
itu dengan jitu.


"Tuan raja ngeliat
patung nyeng paling
gede, ya Raja.
Bentuknya bagus
bangat!"




"Pala patung itu dibikin dari emas," Daniel nerusin.



"Dada ama tangannya dibikin dari perak."



"Perut ama paha atasnya dibikin dari tembaga."



"Pahanya dibikin dari besi, kakinya nyeng separo dibikin dari besi, ama nyeng separo lagi dari tanah lempung."



Abis ngegambarin patung itu sama raja, Daniel bilang ama raja sisa dari ngimpinya.




"Raja ngeliat ada batu nyeng
dipotong kaga pake tangan,"
Daniel ngasih tau raja.



"Batu itu nubruk patung nyeng di kaki besi ama tanah lempung, lantas bikin ancur."



"Lantas patung itu jatuh ancur jadi abu dan ketiup angin."
Daniel brenti. "Tapi batu itu mentik dan jadi gunung nyeng gede nutupin bumi."



Raja sampe mlongo. Itu semua nyeng ada dalem ngimpinya. Pegimana Daniel bisa tau? Cuman karena Allah nyeng ngasih tau Daniel. Lantas Daniel mulain lagi cerita ke Raja Nebukadnezar apa arti dari ngimpinya itu.



"Allah nyeng di
sorga udah ngasih
tuan raja kerajaan,
kekuasaan,
kekuatan ama
kemuliaan,"
Daniel
bilang ke
raja.



"Tuan raja
pala emas
itu."



Daniel bilang ke raja kalo kerajaan emasnya bakal abis. Bagian perak nyeng ada di patung itu artinya ada kerajaan nyeng lebih kecil bakalan ngegantiin. Tembaga artinya ada kerajaan laen. Besi ama tanah lempung bakal ada kerajaan



nyeng keempat.

KERAJAAN 1


KERAJAAN 2

KERAJAAN 3

KERAJAAN 4



Buntut cerita nyeng disampein Daniel sama raja,
"Allah nyeng di sorga
bakal ngediriin
kerajaan nyeng
kaga bakalan
ancur."



Raja ngakuin kalo cuman Allah, nyeng bisa ngasih Daniel kebijaksanaan biar tau ama ngarti semua soal ngimpinya. Nebukadnezar ngasih berkat Daniel liwat kekayaan ama bikin dia jadi orang paling kepike dikerajaan.





Kerajaan
nyeng
pertama,
nyeng
kedua ama
nyeng
ketiga
dateng
dan pegih
sekelebatan.

Kerajaan Allah
dateng abis
kerajaan
nyeng
keempat.
Mesias
bakal
dateng
ke bumi. Pasti
bakal dateng!



Daniel ama Ngimpinya Nyeng Aneh

Sebuah cerita dari perkataannya Tuhan, Alkitab

Ditemuin di

Daniel 2

"Palang pintu Firman Engkau ngasih terang."
Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

